



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

8. Exempla eorum, qui per pauperes, sibi ad c[a]elum aditum fieri vtiliter crediderunt.

**urn:nbn:de:hbz:466:1-45699**

de vero cultu  
cap. II.

pertatis impedit à liberalitate in pauperes. Ita enim loquitur: *Di-*  
*cet aliquis fortasse: si haec omnia fecero, nihil habeo. Quid enim si ma-*  
*gnus hominū numerus eghit, algebit, capietur, morietur; ut hac faci-*  
*entem vel uno die patrimonio exxi, sit necesse: perdamne rem familiarē,*  
*meo aut maiorū labore quaestam; ut jam ipsi mihi aliena misericordia*  
*vniendum sit? quid tu tam pusillo animo paupertatē times, quam etiam*  
*vestri Philosophi laudant? nihil hac tutius, nihilq; hac tranquillus esse*  
*testantur? Hoc, quod times, solicitudinū portus est. An ignoras, quot*  
*periculis, quot casibus, cum his malis opibus subiaceas? que tecum bene*  
*agent, si sine tuo cruento transferint. Tu vero onus tuus incedis, & spolia ge-*  
*ris, que irritent animos etiam tuorū. Quid ergo dubitas, bene collocare*  
*id, quod tibi forsitan eripiet, aut unum latrociniū, aut existens repente*  
*proscriptio, aut hostilis aliqua direptio? Quid verere, fluxum & fragile*  
*bōnum facere sempiternū, aut thesauros tuos custodi DEO credere; ubi*  
*non furem prædonemq; timeas, non rubiginem, non tyrannum? qui apud*  
*DEVM diuiss est, pauper esse numquā potest. Si justitiam tanti putas, se-*  
*quere abiectis oneribus, qua te prémunt, libera te ipsum compedibus &*  
*catenis; ut expeditus ad DEV M curras. Magni & excelsi animi est,*  
*despicere, & calcare mortalia. Sed si hanc virtutem non capis, ut dinitias*  
*tuas in arcā DEI conferas, ut fragilibus tibi comparas firmiora, libera-*  
*bo te meū. Omnia ista præcepta non tibi soli dantur, sed omni populo, qui*  
*miente coniunctus est, & coheret, sicut homo unus. Si solus magnis operi-*  
*bus non sufficis, pro virili parte operare justitiam; sic tamen, ut quantum*  
*dinitias inter ceteros, tantum opere præcessas. Neq; nunc suaderi tibi pu-*  
*tes, ut rem tuam familiarem minuas, vel exaurias, sed qua in superua-*  
*cua fueras impensurus, ad meliora conuertas. Vnde bestias emis, hinc*  
*captos redime; unde feras pascis, hinc pauperes ale; unde homines ad gla-*  
*dium comparas, hinc innocentes mortuos sepeli. Quid prodest perditæ ne-*  
*quitie bestiarios facere locupletes, & ad flagitia instruere? Transfer ad*  
*magnum sacrificium male peritura, ut pro his veris muneribus habeas*  
*à DEO munus aeternum. Magna est misericordia merces; cui Deus pol-*  
*licetur peccata se omnia remissurum. Si audieris, inquit, preces supplicis*  
*tui, & ego audiam tuas; si misertus laborantium fueris, & ego in tuo la-*  
*bore miserebor. Si autem non respexeris, nec adiuueris, & ego animum*  
*tuum contra te geram, tuisq; te legibus judicabo.*

Multis res firmari exemplis potest. Praclarum est illud, quod

Q 2

de

VIII.

Euirat, in  
Prato Spirit.  
cap. 195.  
Prou. 19. 17.

de Euagrio Philosopho refertur. Eum Synesius Episcopus ad Christi scholam cultumque traxerat; docueratque, illum, qui succurrit pauperi, fenerari Domino; eaque omnia, quae in hac vita egenitibus distribuuntur, in altera vita, præter centuplum, celo remuneranda. Audijt Euagrius, & credidit, bonaque fide Episcopo tercentum auri pondo in manus consignauit, in pauperum stipem, dicens: *Accipe hoc, & distribue pauperibus, & da mibi cautionem manu tua, quod Christus mihi ipsum reddet in futuro saculo.* Accepit Præsul aurum, & conditionem, syngraphamque Philosopho confersit. Aliquot inde vixit annis Euagrius; tandem tamen morti proximus, filios ad se vocauit, eisque hoc mandatum dedit: *Ecce iatis cedo, vos mihi iusta persoluite.* Cum vero funus meum curabitis, chirographum hoc mihi in manus tradite, atque ita metumulate, ut apud iudicem ex syngrapha agere queam. Paruerunt gnati, parentemque cum scripta cautione sua sepelierunt. Tertius à sepultura dies in noctem ijt; cum Euagrius Synesio Antistiti se visendum stit, eumque iussit ad suum sepulchrum tendere, & chartam fidei testem recipere, abunde enim sibi satisfactum esse, quod & manu sua subscriptum reperturus esset. Facto die Episcopus cum clero sepulchrum adjit, reperit referato tumulo chartam à se confectam, in defuncti manu hoc pacto, subscriptam: *Ego Euagrius Philosophus accepi debitum in his litteris manu sua conscriptum, satisfactumque mihi est, & nullum habeo contrate jus, propter aurum, quod dedi tibi, & per te Christo Deo, & Salvatori nostro.* Contigit hoc miraculum, ut constaret, ubi thesaurum suum reperturus esset, qui cum audet pauperibus concredere. Quod quia utilissimum est, Robertus rex Franciæ pauperibus stipem sua manu distribuebat, eorumque manus exosculabatur, & quotannis, die louis sacro, trecentis iuscum, pisces, panem & nummum argenteum porrigebat, & quocumque ibat, plena pauperum plastra secum circumuehebat, tamquam exercitum, ut aiebat, quo celum iret expugnatum, dicebatque: hoc esse genus hominum, quibus Deus celestis regni fores tradidisset, ijs aperiendas, qui in ipsis misericordia viscera prius aperuissent. *Feneratur Domino, qui miseretur pauperis, & vicitudinem suam reddet ei,* ait Salomon. Hinc & S. Leo: *Deus, inquit, fidei iusfror est pauperum, & largissimus redditor usurum.*

Baron. Anno  
1033. Bodinus  
lib. 6. de Rep.  
cap. 2.

Prou. 19. 17.  
S. Leo serm.  
6. de iejunio  
10. mensis,

rum. Quamobrem D. Chrysostomus homiliam propriam de hoc S Chrysost.  
argumento fecit, cui titulus est: *Quod eleemosyna est ars omnium*, hom. 33.  
*quasi uolissima.*

## C A P V T XI.

Pauperum diuitias, esse Virtutes.

 Vnde vere dixit Salomon? *Est quasi diues, cum nihil habeat:* I.  
*& est quasi pauper, cum in multis diuitiis sit.* Quid enim Pro. 13. 7.  
 pauperius diuite, cui non solum admodum difficile est,  
 intrare in regnum cælorum, sed etiam si vult intrare, debet intra-  
 re per pauperum preces, & ab illis, sipe data, cælum quodam-  
 modo emere? Vnde meritò censetur magna pars diuitiarum, quas  
 possident, ad pauperes pertinere; siue deinde titulo iustitiae, siue  
 charitatis ad eos pertineant. Quia certè, et si, ut D. Chrysostomus  
 dixit, *Diuitia non sunt peccatum, tamen peccatum est, eas non distri-  
 buere pauperibus.* Atque hinc etiam est quasi pauper, cum in multis  
 diuitiis sit: nam ad illum pertinent, quæ diuitibus supersunt. Ac-  
 cedit, quod sint diuitie maxime, non egere diuitiis. Quin, si rem  
 rectè ac suis momentis volumus ponderare, diuitiæ ibi demum ve-  
 ræ sunt, *vbi tinea non corrumpit*, profectò necesse est, pauperes esse  
 in multis diuitiis, quoniam ipsorum est regnum cælorum, non spe dun- Matth. 5. 3.  
 taxat, sed etiam re, quia etiam adhuc in hac vita degentes poten-  
 tiam habent, illud alijs, dicto modo, largiendi. Hinc enim Serua-  
 tor non ait: *Ipsorum erit, sed Ipsorum est regnum cælorum*, potestate S Augustin.  
 scilicet. Erit autem etiam possessione, quia, ut sanctissimus An- lib. soliloq.  
 tistes ait, *soli illi, qui se cognoscunt pauperes, & confitentur tibi, Domi-* cap. 15.  
*ne Deus, paupertatem suam, ditabuntur à te: quoniam qui se diuites*  
*existimant, cum sint pauperes, à tuis diuitiis inuenientur exclusi.* Et alio Idem in cō-  
*loco: Felicitas magna Christianorum, quibus datum est, ut per pauper-* mun. serm.  
*tatem faciant pretium regni cælorum. Non tibi displiceat paupertas* 59.  
*tua, nihil ea potest ditius inueniri. Vis nosse, quām locuples sit?* Calum-  
*emit. Quibus thesauris conferri posset, quod paupertati videmus indul-* Idem serm. 3:  
*tum?* Ac rursus alibi. *Vobis dico, pauperes, qui mendicatis, qui de* de Natiuit,  
*eleemosyna Christianorum viuitis. Consolamini, consolamini, tribulatio* de Natiuit,  
*vestra conuertetur in latitiam, & dolor vester in gaudium. Non vobis*  
*fit ingratum, quod mendicatis, nec ideo in corde vestro aliquid contra* Deum

Q 3

Deum